

# ТОШКЕНТ ОҚШОМИ

Газета 1966 йил 1 июлдан чиқа бошлаган

ШАҲАР ИЖТИМОЙ - СИЁСИЙ ГАЗЕТАСИ

№ 12 (10.065)

2004 ЙИЛ 19 ЯНВАРЬ

## ПОЙТАХТНИНГ БИР КЎНИ Янгиликлар, воқеалар

### Кисматларда

● **БУГУН** Тошкент шаҳар ИИБнинг Кўриқлаш бошқармасида «Маънавияти улуг халқ — буюк халқдир» мавзuida ўтказилган давра суҳбати «Маънавият ва маърифат» марказининг Бектемир туман бўлими ташаббуси билан уюштирилди.

● **ҲАМЗА** туманидаги 227-мактабда «Донишманд» маҳалласи фаоллари, «Маънавият ва маърифат» марказининг туман бўлими ташаббуси билан уюштирилган тадбир «Ислоҳ ва ёшлар» деб номланди.

● **БУГУН** «Соғлом авлод учун» халқаро хайрия жамғармаси томонидан Мехр ва мурувват ийлига бағишланган «Соф муҳаббат мусикаси» деб номланган хайрия концерти ўтказилди.

● **ТОШКЕНТ** Давлат техника университетиди ўқитувчилар иштирокида ташкил этилган анжуман иқтисод фанларини ўқитиш методикасини такомиллаштириш масаласига бағишланди.

● **ЎРТА** махсус касб-хунар таълими муассасалари ўқувчиларининг тиббиётдан бохабар бўлишлари, тез тиббий ёрдамни беморга кўрсата олишлари масаласига бағишланган шаҳримизда ўтказилган тадбир Япониянинг «Жайка» халқаро ташкилотининг ташаббуси билан уюштирилди.

● **ЗАМОНАВИЙ** санъат марказида Тошкент «Жаз» гуруҳининг концерти бўлиб ўтди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.

«Кобул-Ўзбек Со» кўшма корхонасида замонавий хорижий тўқимачилик дастгоҳларини моҳирлик билан бошқариб, жаҳон андозалари даражасидаги ип-калава ишлаб чиқаришга муносиб улуш қўшаётган йигит-қизлар кўпчилигини ташкил этади.

**СУРАТДА:** ана шундайлардан бири тўқувчи Ҳилол Исмоилова ҳамкасбларидан ортда қолмасликка ҳаракат қилди.

Ҳақимжон Солиҳов олган сурат.



## Ўзбекистон — Қувайт: ҲАМКОРЛИК РИВОЖИ ЙЎЛИДА

Қувайт — Арабистон ярим оролининг шимолий-ғарбида жойлашган мамлакат. Пойтахти — ал-Қувайт шаҳри. Давлат раҳбари — амир. 1977 йилнинг 31 декаб-ридан буён ҳокимиятни шайх Жобир ал-Аҳмад ал-Жобир ас-Сабоҳ бошқариб келмоқда.

90-йиллар бошидаги Ироқ босқини оқибатида мамлакат иқтисодиётига катта зиён етди. Қувайт 1990 йилнинг августидан 1991 йилнинг февралигача қадар истило қилинган эди.

Босқин уқубатлари ва хорижий мамлакат зўравонлигини ўз бошидан кечирган қувайтликлар 1961 йилда эришилган давлат мустақиллигини юксак кадрлашди, ўзга мамлакатлар истиқлолига ҳам ҳурмат билан қарашди. 1991 йилнинг февралда ўз суверенитетини қайта тиклаган Қувайт Давлати ўша йилнинг декабрида биринчи раундда Ўзбекистон Республикаси мустақиллигини тан олди. 1994 йилнинг июлида икки мамлакат ўртасида дипломатик муносабатлар ўрнатилди.

1997 йилнинг майда Қувайт амира хияни, Осиё олимпия кенгаши президенти Аҳмад ас-Сабоҳ мамлакатимизга ташриф буюриб, давлатимиз раҳбари Ислоҳ Каримов билан учрашди. Мазкур учрашув чоғида спортни ривожлантиришдаги хизматлари учун Ўзбекистон Президентига Осиё олимпия кенгашининг олтин медали топширилди.

Қувайт вакиллари мамлакатимизда бўлиб ўтаётган катор маданий тадбирларда фаол иштирок этишди. Чунинчи, 1998 йилнинг октябрида Вақф ва ислом ишлари вазирлигидаги Қувайт хайъати Имом ал-Бухорий таваллудининг 1225 йиллик ва Аҳмад ал-Фарғоний таваллудининг 1200 йиллик айёмларида қатнашди. Имом ал-Бухорий меросини чуқур ўрганиш, Самарқанддаги унинг номи билан аталувчи мажмуани ободонлаштириш учун Қувайт томонидан Ўзбекистонга тўхфа этилган 500 минг АҚШ доллари миқдориди кўмаки яхши ният рамзи сифатида баҳолаш мумкин.

Шу билан бирга эътироф этиш керакки, икки мамлакат ўртасиди саудо-иқтисодий алоқалар мавжуд имкониятлар даражасида эмас. Ўзбекистон ҳам, Қувайт ҳам уларни кенгайтириш учун кенг салоҳиятга эга. Шубҳасиз, мамлакатимиз раҳбарининг Қувайтга расмий ташрифи икки томонлама ҳамкорликни янада ривожлантиришга хизмат қилди.

«Жаҳон» АА

## ИЖТИМОЙ МАЖМУА МАЖЛИСИ

Вазирлар Маҳкамаси Ижтимоий мажмуининг 2003 йил якунлари ҳамда 2004 йида ижтимоий соҳадаги ислоҳотларни янада чуқурлаштириш масалаларига бағишланган мажлиси бўлиб ўтди.

Ўзбекистон Республикаси Бош вазирининг ўринбосари А.Азизхўжаев бошқарган ушбу мажлисда Президентимиз Ислоҳ Каримовнинг Вазирлар Маҳкамаси фаолияти юзасидан билдирган фикрлари асосида иш ташкил этиш, вазирлик ва идоралар раҳбарларининг масъулияти ва ташаббускорлигини оширишга алоҳида эътибор қаратилди. Юртбошимиз раҳнамолигида ижтимоий соҳани, айниқса таълим-

тарбия ишларини талаб даражасида ташкил этиш, миллий истиқлол ғоясини кенг тарғиб қилиш, аҳоли турмуш шароитини янада юксалтириш бўйича катта ишлар амалга оширилаётгани таъкидланди. Бу борада ишлаб чиқилган давлат дастурлари ҳаётга изчил таъбиқ этилмоқда.

Ўрта махсус, касб-хунар таълими маркази раҳбари Ж.Хусанов, Халқ таълими вазири

Р.Жўраев, Олий ва ўрта махсус таълим вазири С.Фулмонов ва бошқалар «Таълим тўғрисида»ги Қонун, Кадрлар тайёрлаш миллий дастурининг навбатдаги босқичидаги вазифалар қандай бажарилаётгани хусусида ахборот бердилар.

Юртимизда замон талаблари даражасидаги кўплаб илм масканлари бунёд этилиб, уларнинг моддий-техник базаси мустаҳкамланмоқда, замонавий ўқув

жиҳозлари билан таъминланмоқда. Шу билан бирга, ҳамма илм даргоҳларида ҳам таълим-тарбия ишлари сифати ва мазмунини оширишга етарли даражада эътибор берилмаёттир. Айниқса, чека худудлардаги мактаб, коллеж ва лицейларда бу ишлар кўнгилдагидек эмас. Мутахассислар тайёрлашда худудлар бўйича кадрларнинг тақсимланшини тўғри ташкил этиш масаласида муаммолар бор. Бу борада мутасадди раҳбарлар фаолиятида масъулият, талабчанлик ва изланиш етишмаяпти.

Давоми 2-бетда.

## ХУШБАҲОСИ

Барча маълумотлардан олинган сўнги хабарлар

### Мамлакатимизда

● Ўзбекистон Республикаси Вазирлар Маҳкамасида Алоқа ва ахборот-коммуникация технологиялари масалалари мажмуининг мажлиси бўлиб ўтди. Унда ушбу соҳани ижтимоий-иқтисодий ривожлантириш яқунлари ва 2004 йилдаги вазифалар муҳокама этилди.

● Ўзбекистон Республикаси Ички ишлар вазирлигида йил якунларига бағишланган йилги мажлиси бўлиб ўтди. Унда жиноятчилик болатларининг тезкорлик билан очилиши натижасида оғир турдаги жиноятларнинг камайганлиги қайд этилди.

● «Давр садолари» деб номланган Тошкентда ўтказилган биринчи республика мусика фестивали якунланди.

● Зарафшонда яна бир йirik корхона — «Амантайто ва Голдфилдз АО» Ўзбекистон — Буюк Британия кўшма корхонаси иш бошлади. Унда 600 киши меҳнат қилади.

● Андижон вилоятидаги «Савай» ширкат хўжалиги худудда жойлашган «Баҳром ота» фермер хўжалиги олинган даромадининг бир қисмини «Мурувват» меҳрибонлик уйида тарбияланаётганлар, боқувчисини йўқотган қариялар, кўп болали оилаларни ижтимоий ҳимоялашга қаратишга қарор қилди.

### Жаҳонда

● Форс кўрфазиди АҚШ бошчилигида халқаро ҳарбий-денгиз машқлари бошланди. Унда Франция, Сингапур, Испания, Буюк Британия, Италия, Австрали ва АҚШ ҳарбийлари қатнашмоқда.

● Жанубий Кореянинг ташки ишлар вазири Юнг Ён Твон истеъфога чиқди. Президент Но Му Хён билан икки томонлама келишмовчиликлар бунга сабаб деб эътироф этилмоқда.


● Япониянинг 30 нафар аскардан иборат ҳарбий бўлинмаси Қувайтга жўнаб кетди. У тез орада Ироқни қайта тиклашга кўмаклашиш мақсадида Ироққа йўл олади.

● Миср авиакомпаниясига қарашли, Қоҳирадан Парижга парвози пайтида Қизил денгиз устида ҳалокатга учраган самолётнинг қора қутиси Франциянинг «Скорпион» роботи ёрдамида бир километр чуқурликдан олинди.

● Хитойлик мутахассисларнинг фикрича, ғайриоддий зотилжам хасталиги бу йил бирмунча енгил кечмоқда. Хусусан, Гуандун вилоятида хасталанган учта кишининг икитаси шифо топди.

● Париж-Дакар автораллисининг 15-босқичи якунланди. Ҳозирча унда россиялик пойғачилар олдинда бормоқда.

Y.M. Merguliyeva



**Жаҳон ва маҳаллий ахборот воситалари хабарларидан**

● Бундан ўттиз йил бурун америкалик космонавт биринчи бўлиб Ойга кўнган эди. Эндиликда америкаликлар ойда доимий фаолият юритадиган станция қуриш ва Марсга инсоният вакилини учирши мўлжалламоқдалар. АҚШ Президенти Жорж Буш бу борадаги режани маълум қилди. Президент режасига кўра, 2008 йилда бир гуруҳ қурувчилар Ойга юборилади ва у ерда станция қурилади. Кейинроқ у ерга остронавтлар жўнатилади. Улар Ойдан туриб Марсга учишлари керак.

● Франция Ички ишлар вазири Никола Саркозининг берган маълумотида кўра Россиянинг Франциядаги элчихонаси ходимларига қарши кимёвий курул орқали хуруж уюштирилиши режалаштирилган экан. Террористик ҳаракатларда гумон қилиниб кўлга олинган Париж ташкари-сида жойлашган масжиднинг имоми Хилол Беншеллал сўроқ қилинганда шу нарса маълум бўлган.

● Бугунги кунда бутун дунёда ҳар бир одам ўз уйда телефон тармоғи орқали Интернетга улашиш имкониятига эга. Куба ҳукумати кўплаб фуқаролар Интернетга қўра бозор орқали ноқонуний қираётганлиги туфайли фойдаланишни чегараловчи қонун ишлаб чиқарди. Эндиликда кўплаблар ўз уйларида Интернетдан фойдаланиш учун ҳукуматдан махсус рухсатнома олиши талаб этилади. Ҳукуматнинг фикрича, мазкур қонун Интернет орқали содир этилаётган ҳар хил жиноятларнинг олдини олишини таъминлайди.

● Францияда омма фикрини ўрганиш институти Le Journal du Dimanche наشري берган буюртмага асосан аҳоли ўртасида сўровнома ўтказди. Сўровнома натижаларига кўра, мамлакатнинг 50 нафар энг таниқли фуқаролари рўйхати эълон қилинди. Рўйхатнинг биринчи қаторини Франциялик футболчи Зайниддин Зидан эгаллаган. Мамлакат сиёсатчилари ҳам рўйхатда кўпчиликти ташкил этади. Шуниси қизиқки, Франция Президенти Жак Ширак рўйхатнинг 42 ўрнини банд этган.

● Бразилия олимлари мамлакат шимолдаги Амазонка чангалзорларидан динозавр қолдиқларини топиди. Реоде-Жанейро университети олимларининг маълум қилишича, топилган қолдиқлар шу пайтгача фанга номаълум бўлган динозаврлар турига таалуқли бўлиб, уларнинг ёши 110 миллион йил деб тахмин қилинмоқда. Ўтказилган тадқиқотлар натижасида шу нарса маълум бўлдики, бу динозаврларнинг оғирлиги 10 тонна атрофида бўлиб бўйи 10 метрга етган.

● Красноярск таълим бошқармаси мактаб ўқувчиларининг янги йил таътилини яна бир ҳафтага қўйиш ҳақидаги буйруққа имзо чеккан. Шаҳар санитария-эпидемиология назорати марказининг ўқувчилар орасида гриппнинг ўсиши ва унга қарши кураш борасидаги қарори бунга сабаб бўлганди.

**ИЖТИМОЙ МАЖМУА МАЖЛИСИ**

Давоми. Боши 1-бетда.

Бугунги кунда узлуксиз таълим тизимида қўлланилаётган ўқув дастурлари миллий истиқлол ғояси нуқтаи назаридан қайта кўриб чиқилиб, янгиланмоқда. Ижтимоий соҳа йўналишидаги ўқув предметлари бўйича маъруза матнлари тайёрланиб, чоп этиляпти. Жамиятимиздаги ўзгаришлар ва янги қарашлар асосидаги ўқув қўлланимлари, дарсликлар яратиш ишларини такомиллаштириш бугунги кундаги долзарб вазифалардан биридир.

Мажлисда «Миллий истиқлол ғояси: асосий тушунча ва таъмойллар» ўқув фанининг самарадорлигини янада ошириш, ушбу фан бўйича ўқув қўлланимларини тизимнинг турли бўғинидаги ўқувчининг ёшига мослаштирилган ҳолда, содда ва тушунарли тарзда ёзиш ва бу ишга малакали тадқиқотчи-олимларни жалб этиш зарурлиги ўқтирилди. Бу борада ўқув машғу-

лотлари билангина чекланиб қолмай, турли маънавий-маърифий тадбирларни таълим жараёнига жорий этиш, шу йўсинда ёшлар қалби ва онгига миллий қадриятларимизга ҳурмат ва эҳтиром туйғуларини чуқур сийғдириш ушбу фан самарадорлигини оширишнинг муҳим йўналишларидан бири бўлмоғи лозим.

Бугунги кунда соғлом турмуш тарзининг ёшлар ҳаётида тобора мустаҳкам ўрин олишига эришиш давлат сиёсати даражасига кўтарилган. Бу эса мамлакатимизда болалар спортини янада ривожлантириш, ёшларни спортга кенгроқ жалб этиш, маҳаллалар, турар жойларда, узоқ қишлоқларда спорт-соғломлаштириш мажмуалари барпо этиш ишларини кучайтиришни такозо этади. Айниқса, қишлоқ жойларида, чекка туманлардаги мактабларда спорт-соғломлаштириш ишларини жонлантириш, миллий спорт турлари секциялари ва тўғарақларини ташкил

этиш доимий диққат-эътиборда бўлмоғи зарур.

«Обод маҳалла йили» дастурининг ҳаётга татбиқ этилиши натижасида маҳаллаларнинг иқтисодий-ҳуқуқий мавқеи янада ортди. Йил давомида уларни обод қилиш мақсадида кенг кўламдаги бунёдкорлик ишлари амалга оширилди. Кўплаб маданий-маиший бинолар, спорт майдончалари, гузарлар барпо этилди. Мажлисда бу борада бошланган хайрли ишларни 2004 йил - Меҳр ва мурувват йилида ҳам изчил давом эттириш, кам таъминланган оилалар, ноғиронлар, ёрдамга муҳтож қарияларимизга эътибор ва ғамхўрликни янада кучайтириш зарурлиги қайд этилди.

Мажмуа таркибига кирувчи вазирилик ва идоралар раҳбарларининг хусусийлаштириш дастурининг 2003 йилда бажарилиши тўғрисидаги ахбороти ҳам тингланди.

Мажлисда Ўзбекистон Республикаси Президентининг Давлат маслаҳатчиси А.Абдувоҳидов иштирок этди.

**Н.УСМОНОВА,**  
ЎЗА мухбири

*Пойтахтимизда фаолият кўрсатаётган «Тошкент-нон» ишлаб чиқариш уюшмасига қарашли корхоналарда тайёрланаётган 126 турдаги нон ва нон маҳсулотларининг ҳаммаси шахримиз аҳолиси дастурхонига етиб бормоқдами? Бу борада шахримизда фаолият кўрсатаётган савдо шохобчаларининг ўрни қандай? Ушбу сифатли нон ва нон маҳсулотларининг истеъмолчи талабини қондиришни, уларга вақтида етиб боришни таъминлаш учун уюшма таркибидаги корхоналар ва уларни харидорга етказиб берувчи савдо шохобчалари ўртасида ўзаро ҳамкорликни янада мустаҳкамлаш яхши самара берадими?*

**Ўрмаркалар**

**АЗИЗ НЕЪМАТ — АҲОЛИ ДАСТУРХОНИГА**

Куни кеча «Тошкент-нон» ишлаб чиқариш уюшмаси томонидан Тошкент шаҳар ҳокимлиги савдо, хизмат кўрсатиш соҳаси ва халқ истеъмол моллари ишлаб чиқариш департаменти билан ҳамкорликда ташкил этилган ўрмарка ана шу саволларнинг ечимини топиш, 2004 йил учун ўзаро шартномалар тузиш, ҳам-шаҳарларимизга сифатли ва сertiфикатланган нон ва нон маҳсулотларини вақтида етказиб бериш мақсадида ўтказилди.

Ўрмаркада уюшмага қарашли 38 та нон ишлаб чиқарувчи корхоналарнинг айни кунларда тайёрлаётган маҳсулотлари намойиш этилиб, бу тақлиф этилган савдо шохобчалари ходимлари учун шартномалар имзолашда кулайлик яратди.

— Тизимимиздаги нон ва нон маҳсулотлари ишлаб чиқарувчи корхоналаримиз замонавий асбоб-ускуналар билан жиҳозланган бўлиб, улар кунига 750-800 тонна маҳсулот тайёрлаш қувватига эга, — дейди уюшма бош технологи Гўлчиҳра Хошимова. — Пойтахтимизда кўплаб нон маҳсулотлари ишлаб чиқарувчи хусусий тадбиркорлар ҳам фаолият кўрсатаётган бўлса-да, уларнинг кўпчилиги нон тайёрлаш технологиясига мослаштирилмаган. Бунинг натижасида ноннинг сифати, оғирлиги талабга жавоб бермаяпти. Ўрмаркани ўтказишдан асосий мақсадимиз уюшмамиз корхоналарида нон ва нон маҳсулотлари сифатини ҳимоя қилиш, истеъмолчиларга нонларимиз сифатининг бузилмай етиб боришни таъминлаш, шу билан бирга савдо шохобчалари ходимларининг фикр-


мулоҳазаларини тинглаб, кейинги режаларимизни белгилаб олишдир. Негаки, савдо дўконлари бизни истеъмолчи билан боғловчи асосий кўприқдир. Яна шунини ҳам айтиб ўтиш ўринлики, тайёр маҳсулотни савдо дўконига етказувчи автомашиналар, дўконлардаги уларни сақлаш жойларининг санитария ҳолатларига ҳам алоҳида эътибор қаратиш лозим. Бунда махсус нон ташувчи автотранспорт хизматидан фойдаланиш

ни етказиб беришдир, — дейди «Бешёғоч» хусусий фирмаси савдо агенти Рихисвий Далиев. — Бу борада, албатта ишлаб чиқарувчилар билан ўзаро ҳамкорлик асосида ишлаш савдо ходимлари учун ҳам муҳимдир. Фирмамиз дўкони пештахталаридан ҳар куни 10 қилдан ортқ нон ва 40 турдаги қандолат маҳсулотлари ўрин олади. Биз уюшма тизимидаги «Барака олам» кўшма корхонаси, «Сағбон нон», «Тансиқ нон» корхоналари билан шартнома асосида маҳсулот оламиз. Шу боисдан жорий йилда ҳам улар билан шартнома туздик. Ўрмаркада намойишга қўйилган «Барака олам» кўшма корхонасининг бир неча турдаги янги маҳсулотлари бизга маъқул бўлди ва уларга бугун шартнома туздик.

Бир сўз билан айтганда, нон — азиз неъмат. Уни аҳоли истеъмолига етказиб беришда эса уюшма таркибидаги корхоналар новвойларининг баракали хизматларини алоҳида таъкидласа арзийди. Икки кун давом этган ўрмаркадан шундай хулоса чиқариш мумкинки, ҳамшаҳарларимиз жорий йилда ҳам «Тошкент-нон» уюшмаси корхоналарининг янги турдаги нон ва нон маҳсулотларини истеъмол қилиб, баҳосини берадилар.

**Шарифа ИЛЕСОВА**  
**СУРАТЛАРДА: ўрмаркадан лавҳалар.**

**Ҳакимжон Солиҳов**  
олган суратлар.



**КУТУБХОНА ВА АХБОРОТ ТЕХНОЛОГИЯЛАРИ**

Ўзбекистон Кутубхоналар ассоциацияси «Мамлакатимизда кутубхона ахборот инфраструктурасини ривожлантириш ва кутубхона ассоциацияларининг ўрни» мавзусида семинар ўтказди. Тадбир Маданият ишлари вазирлиги, Тошкентдаги Гёте номидаги институт ва Очиг жамият институту кўмак жамғармасининг Ўзбекистондаги ваколатхонаси билан ҳамкорликда ташкил этилди.

Семинар иштирокчилари кутубхоначилик фаолиятини стратегик режалаштириш ва хорижий ҳамкасбларининг бу борадаги тажрибаси билан танишиб, соҳага ҳомийлар маблағини жалб этишга оид масалани муҳокама қилди.

ЎЗА

**Ижодий**

**устaxonаларда**

**МАШҒУЛОТЛАР ЙЎЛГА ҚЎЙИЛДИ**

Ириқ мўйқалам усталарининг ижодий устaxonалари ёшлар учун ҳам изланиш ва маҳорат маркази бўлиб хизмат қилаётир. Ўзбекистон халқ рассоми Жавлон Умарбеков устaxonаси ҳам кўпинча умидли ёш рассомлар билан гавжум бўлади.

Ўзбекистон бадиий академияси саъй-ҳаракати билан бу ерда ўқув-амалий машғулотлар йўлга қўйилди. Унда ҳаваскор ёш рассомлар ана шу сабоқлардан баҳраманд бўлиб, ижод «сир»ларини ўрганмоқдалар.

«Расм, тасвирий санъат ва бадиий композиция» деган мавзуда уюштирилаётган машғулотларни эса истеъдодли рассом Бобур Исмоилов олиб бормоқда. У Камолиддин Бехзод номидаги нафис санъат ва дизайн миллий институтининг тажрибали ўқитувчиси сифатида ўз бой билим ва маҳоратини ёшлар билан баҳам кўрмоқда.

Сабоқларда кино ва телевидение рассомчилиги йўналиши бўйича ҳам тушунчалар берилмоқда.

**Ақбар АЛИЕВ**

## Санъат

МАРД ЁҒЛОНЛАР  
ТАРАННУМ  
ЭТИЛАДИ

Қўшиқ, бу — одамлар дилига ажиб бир тароват таратувчи нурли наводир. Ана шу наво инсонларни бир-бирига меҳр билан чамбарчас болговчи восита ҳисобланади.

Яқинда иқтидорли бастакор Рустам Абдуллаев «Юрт ёғлонлари» деб номланган янги қўшиқ яратди. Ватан ҳимоячилари кунига аjoyиб совға бўлган ушбу қўшиқда юртимиз сарҳадларини ҳимоя қилаётган мард ёғлонлар тараннум этилади. Қўшиқ матни шоир Нормурод Нарзуллаев қаламига мансуб.

КОНЦЕРТЛАР  
ЧОРЛАМОҚДА

Кеча Ҳамза номидаги музика коллежиди машҳур бастакор Станислав Мансуровнинг ижодига бағишланган катта концерт бўлиб ўтди.

Концертда Венгрия, Франция, Украина мамлакатларидан келган меҳмонлар ҳам иштирок этишди.

Меҳр ва мурувват йилига бағишлаб ўтказилган концерт дастурида Станислав Мансуровнинг энг сара қўшиқлари, романслари, ариялари ижро этилди.

Кечада таниқли бастакорлар, хонандалар, санъат фидойилари ҳам иштирок этдилар.

Гулчеҳра ДУРДИЕВА  
ЯНГИ ҲАЖВИЙ  
ФИЛЬМ

Ўзбекистон кино усталари янги йилда киноихлосмандлар ҳукмига «Олашақшақ» ҳажвий фильмини ҳавола этишди.

Режиссёр Рустам Обидов талқинидаги мазкур фильмда «Обид А» театри актёрлари — Обид Асомов, Ботир Муҳаммадхўжаев, Шукрулло Исроилов, Ўткир Муҳаммадхўжаевлар суратга тушишди.

Фильмда яхшилик ва дўстлик, меҳру оқибат, инсоний муносабатлар, кишиларнинг турли шароитлардаги ҳолатлари тасвирланади. Одамлар феъл-атворидаги салбий хусусиятларга энгил ҳажв остига олинади.

«Туркистон-пресс»

ШХТнинг ташкил топиши ҳали инсоният терроризм балоси оқибатларини тўлалигича англаб етмаган, Нью-Йорк осмонидида самолётлар ажал қуролига айланмаган бир даврга тўри келди. Айнан мана шу пайтда Афғонистонда ўрнашиб олган Ал-Қоида, Ҳизбут-таҳрир, Ўзбекистон исломий ҳаракати деб аталмиш турли террорчи гуруҳлар Марказий Осиё минтақаси хавфсизлигига раҳна солар, Чеченистонда хунрезликлар, дунёнинг қатор мамлакатларида айирмачилик ҳаракатларининг авж олишига ҳомийлик қилар эди.

ШХТ 2001 йил июнида Шанхай форуми асосида юзага келди. Даставвал Россия, Хитой, Қозоғистон, Қирғизистон ва Тожикистон республикалари ўртасида собиқ шўролар давлатидан мерос қолган ҳудудий муаммоларни ҳал этиш ҳамда ўзаро ишонч ва ҳамжиҳатликни мустаҳкамлаш мақсадида ташкил этилган форум Ўзбекистон иштироки туфайли бутунлай янги ҳақ, мазмун ва моҳият касб эта бошлади.

Бирок, ҳали ШХТ декларацияси сиёҳи қуриб улгурмасдан айрим сиёсатшунослар у минтақадаги икки йирик давлат - Россия ва Хитой манфаатларини ҳимоя қилиш, АҚШнинг Марказий Осиё минтақасига кириб келишига тўсқинлик қилиш воситаси сифатида юзага келганлиги хусусида сўз юрता бошладилар.

11 сентябрь воқеалари мазкур қаршларнинг бутунлай асосиз экани, ШХТнинг ташкил топиши аъзо давлат раҳбарлари, авваламбор Ўзбекистон Республикаси Президенти Ислам Каримовнинг изчил ҳамда узоқни кўзлаган сиёсати самараси эканини исботлади. Ушбу фожиали дамларда ШХТга аъзо мамлакат-

лар АҚШнинг Афғонистонда олиб борган халқаро террорчилар, уларнинг ҳомийлари ва Талибон тузумига қарши

дан буйён ўзаро можароларини бартаараф эта олмаган икки давлат - Ҳиндистон ва Покистоннинг ШХТ аъзоллигига қизиқиш билдиришига сабаб бўлди.

Ўтган давр мобайнида ШХТ ҳам ташкилий, ҳам таркибий жиҳатдан янгиланди. Хусусан, 2002 йилнинг июнь ойида Санкт-Петербург шаҳрида бўлиб ўтган саммит давомида ташкилот хартияси қабул қилинди, Пекинда жойлашган ижроия кенгаши жорий этилди, Тошкентда Терроризмга қарши кураш маркази ташкил этишга келишиб олинди. Таъкидлаш жоизки, ушбу марказнинг республикаимиз пойтахтида жойлашиши Ўзбекистоннинг халқаро терроризмга қарши курашдаги сайё-ҳаракатларининг яна бир эътирофи бўлди.

Ушбу ижобий ўзгаришлар ШХТнинг Марказий Осиёда тинчлик ва барқарорликни таъминлашдаги аҳамиятини ошириши билан бирга ташкилот олдига қўйилган мақсад ва вазифалар кўламини кенгайтириш имконини яратди.

Аъзо мамлакатлар, шунингдек, ташкилот доирасида хавфсизлик масалаларидан ташқари сув-энергетика, транспорт-коммуникация ва бошқа турли минтақавий тизимларни ривожлантириш, ўзаро иқтисодий ҳамкорликни жадаллаштиришда ҳамкорлик қиладилар.

2004 йилнинг дастлабки ойларида Хитой пойтахтида ШХТ аъзо давлатлари ташқи ишлар вазирлари учрашувининг ўтказилиши уларнинг ташкилот доирасида илгари сурилган вазифаларни бажарилишига бўлган юксак интилишдан далолат беради.

Акмалжон КҶҶҚОРОВ,  
«Жаҳон» АА шарҳловчиси

ИСТИҚБОЛЛИ  
КЕЛАЖАК САРИ

Шанхай ҳамкорлик ташкилоти (ШХТ) халқаро терроризм, диний экстремизм ва фундаментализмга қарши кураш ҳамда аъзо мамлакатлар ўртасида сиёсий-иқтисодий муносабатларни мустаҳкамлашга қаратилган. Шунингдек, ташкилот доирасида очиклик, турли хил сиёсий блок ва коалициялар ташкил этмаслик тамойили илгари сурилади.

курашини тўлалигича қўллаб-қувватлади.

Айрим башоратлардан фарқли ўлароқ, ташкилот раҳбарларининг очиклик тамойилига садоқати ҳамда минтақада барқарорлик ва фаровонликни таъминлаш йўлидаги жонбозлиги турли сиёсий найранглр юзага келиши ҳамда йирик давлатлар манфаатлари тўқнашувини бартаараф этди.

Ақсинча, Марказий Осиё ҳаётига тубдан қизиқиш билдирган йирик давлатлар, жумладан, АҚШ билан ҳамкорлик минтақа муаммоларини очик муҳокама қилиш ҳамда ШХТ доирасида аъзо мамлакатлар истиқболли учун энг мақбул бўлган ечимларга келиш имкониятини берди. Айнан мана шу тамойил ташкилотнинг янада ривожланиши, минтақавий барқарорликнинг кучайиши, давлатлар ўртасида сиёсий-иқтисодий муносабатлар тараққиёти учун сермаҳсул асос яратди.

ШХТнинг Марказий Осиё фаровонлиги ва манфаатларига қаратилган эркин мусохаба минбарига айланиши эллик йил-



Шаҳримизга оқшом чўкмоқда.

Ҳакимжон Солиҳов олган сурат.

Айни янги йил кунларида жажжи болажонлар Қорбодан мўъжизакор совғалар кутадилар. Уларга қувонч ва шодлик олиб келиш эса шарафлидир. Шу мақсадда Тошканбой Эгамбердиев номли Тошкент Давлат циркида Янги йил байрам томошаси ўтказилди.

## Мағбурлар

КҮНГИЛЛАРГА ШОДЛИК  
БАҒИШЛАДИ

Ушбу томошалар Тошкент шаҳар ҳокимлиги, шаҳар «Маҳалла» жамғармаси ҳамда Тошкент Давлат цирки томонидан ташкил этилди. Тадбирда Тошкент шаҳар ҳокими ўринбосари, шаҳар хотин-қизлар қўмитаси раиси Фариди Абдурахимова ва шаҳар Оқсоқоллар кенгаши ва «Маҳалла» жамғармаси раиси Рихситилла Ақромов томошага йиғилган болакайлари кўтлаб, илиқ тилаклар билдирдилар.

Алоудин ва унинг дўстлари саргузаштлари билан бирга ўргатилган ҳайвонлар, маймунчалар, кучуқлар ҳамда

денгиз шерларининг чиқишларини болажонлар катта қизиқиш билан томоша қилдилар.

— Янги йил арча байрамини шаҳримизнинг ҳам таъминланган, кўп фарзандли, шунингдек меҳр ва мурувватга муҳтож оилаларининг болалари учун ўтказдик, — дейди биз билан суҳбатда шаҳар «Маҳалла» жамғармаси раисининг ўринбосари Баҳодир Қосимов. — Мазкур тадбирга 2500 дан ортиқроқ болалар тақдиф этилган бўлиб, уларга байрам совғалари топширилди.

Юлдуз УСМОН

## ДАВРА СУХБАТИ

Тошкент давлат юридик институтида «Жадидчилик ҳаракати ва миллий ўзликини англаш» мавзусида давра суҳбати ўтказилди.

Маълумки ўтган аср бошида Туркистонда юз берган сиёсий жараёнлар жадидчилик ҳаракати билан чамбарчас боғлиқ. Жадидчиликни ўзига хос хусусиятларини ўрганиш, айниқса унинг сиёсий-ҳуқуқий жиҳатлари ва бугунги кундаги аҳамиятини очиб бериш ҳар тарафлама муҳим ҳисобланади.

Анжуманда Мунаввар Қори, Усмон Носир, Фитрат, Чўлпон каби маърифатпарвар зейиллар ижодида илгари сурилган миллий истиқлол ғоялари, илм олишга интилиш, миллий ўзликини англаш масалаларига эътибор қаратилди. Улар сиёсий ижтимоий ҳаётга, адабиётга ўз муносабатларини билдириш билан бир қаторда ҳуқуқшунослик масалаларида теран фикр юритдилар.

Тадбирда миллий аънаёларимизни асраб авайлаш, миллий ўзликини англаш, мустақиллигимизни янада мустаҳкамлаш мавзулари муҳокама қилинди.

И. ЭГАМКУЛОВА,  
«Туркистон-пресс»

## Мағлим

ТАЯНЧ  
КОРХОНАЛАР  
ҲИММАТИ

Тошкент Давлат авиация институти йирик олий ўқув юрти янги қўллаб-қўллаб мутахассисларни тайёрлаб бермоқда. Улар мамлакатимиз самолёт-созлик саноати ривожига ўз ҳиссаларини қўшиб келмоқдалар.

Бугунги кунда кадрлар тайёрлаш ишига «Ўзбекистон ҳаво йўллари» миллий авиакомпанияси ҳамда «Чкалов номидаги авиация ишлаб чиқариш бирлашмаси» Давлат ҳиссадорлик жамияти ҳам яқиндан туриб амалий ёрдам кўрсатмоқда. Эндilikда институтнинг таянч корхоналарига айланган бу жамоалардаги ўқув лабораториялари ёш мутахассислар амалий кўникмаларини оширишга хизмат қилмоқда. «Радиоэлектроника», «Электротехника» каби мутахассисликларга оид билимлар машғулотлари айнан корхоналарда олиб бориламоқда.

Миллий авиакомпания олий ўқув юрти олимлари илмий сафарлари учун қўшимча маблағ ажратишнинг ўз зиммасига олди. Ана шу имтиёздан ўндан ортиқ профессор-ўқитувчи фойдаланмоқда.

Ақбар АЛИЕВ



Шарқ дурдоналари

**ОЗ-ОЗ ҲАМ**  
**ДОМО БУЛАВ...**

Анушервон ундан бу сўзларни кенгроқ тушунтиришни сўради. Юнон деди:

— Маслаҳат марваридга ўхшайди. Одамлар тош бўлса, улар орасидан бирорта нодир сўз — марварид чиқиши мумкин. Ишни ўз жойида, муносиб ҳолда қилмасанг, зиёни етади. Адолатли иш қилинса, бу ишга ҳеч ким қарши чиқмайди. Сабр ва чидам барча мушкул ишларни энгишининг калитидир. Биркесарлик, қайсарлик энг ёмон ҳислат. Камтарлик барчанинг ҳавасини ва ҳурматини қўзғатадиган ёқимли одатдир!

Анушервон бу ҳикматларнинг ҳаммасини ёзиб қолдиришга фармон берди.

Бир донишманд насихат қилиб ёзган китобларининг бирида, жумладан, шундай деган эди.

— Эй одам, сен ҳеч қачон улуғлик кетидан қувма! Улуғликни излаш, барчадан устун бўлишни хоҳлаш чин инсон ҳислати эмас. Кийиниш ва ясан-тусан билан ўзингни кўрсатишга уринма! Чунки бундай қилиш ясама обрў талаб қилишдир. Ҳаётингдан беҳабар бўлма, уни ўқиш ва ўрганишга сарф қил! Бахтиёрлик ва саодатлик асосини қўлга киритишга урин! Билгинки, ҳаёт доимо зийрак бўлиб киши ўзидан огоҳ бўлиши учун. Уни ейиш ва ичиш, ухлаш учун деб ўйлама!

Қайс ибн Соиданинг ўз ўғлига қилган насихати. У ёзди:

— Эй ўғлим, шундай масал бор: «Сен менга зулм қилсанг, сenga ҳам қилгувчилар бор». Шу мақолга амал қил, ҳеч кимга зулм қилма! Могу давлатдан ҳазина қилмай, илму ҳунарни ҳазина қил! Дўсту биродарларингни ўзингдан узоқлаштирма, ҳар бир ишни маслаҳат билан адо қил!

Бир кишига ҳада олиб боришса, у асло, қабул қилмас эди. Ундан сабабини сўрадилар. У айтди:

— Ҳада беришнинг икки сабаби бор. Бир шукки, биздан ҳада берувчига ҳеч қандай манфаат етмай қолган. Шунинг учун ҳада эвазига биздан бирор нарса талаб қилмоқчи. Иккинчиси шукки, биздан бирор манфаат кўрган. Ҳада орқали яна ҳам каттароқ фойда топоқчи! Ҳар икки ҳолда ҳада олиш нодурустдир!

Аҳмад бин Ҳолид айтди:

— Сен ўзингни саховат ва қарам эгаси деб билмаганингча шижоатли деб тушунма. Агар шижоатли бўлсанг ўзингни саховат ва қарам эгаси бўлишга мажбур қилар эдинг. Ҳаётингнинг кунинг етмасе, ўзга қандай таъбир қила олсанг?! Айтдилар:

— Кимки ўз дўстларига нисбатан макру ҳийла билан иш тутса, дўстлари унга нисбатан ёлгонни «туҳфа» қиладилар.

Бир улуг киши айтди:

— Энг яхши таъна шундай таънаки, зарар учун эмас, тарбия учун айтилган бўлади. Энг зарарли таъна шундай таънаки, у таълим учун эмас, мулзам қилиш учун бўлади.



Бўлажак меъмор.

**МЕҲР-МУРУВВАТ МАҲАЛЛАДАН**

Тошкентда Республика «Маҳалла» жамғармаси, «Маҳалла зиёси» ўқув маркази ҳамда Оқсоқоллар кенгаши «Меҳр ва мурувват йили» муносабати билан «Меҳр-мурувват маҳалладан бошланади» мавзусида анжуман ўтказди.

— Асрлар давомида шаклланиб келган маънавий қадриятларимизни, ўзаро меҳр-оқибатли бўлиш каби халқимизнинг азалий фазилатларни кўпроқ маҳаллаларда кўришимиз мумкин, — деди тadbирда сўзга чиққан «Маҳалла» жамғармаси раиси Аъзамжон Гадойбоев. — Бугунги кунда маҳалла жойларда ўзини ўзи бошқариш тизими таянчи сифатида фаолият кўрсатиб келмоқда. Маҳалланинг миллий урф-одатлар, ҳашар ва бошқа тadbирларни амалга ошириш воситасига айланиб бораётганлиги фикримиз исботидир. Одамлар бир-бирларига меҳр-оқибатли, мурувватли бўлсагина ҳаётда маъно бўлади. Утган йили маҳаллаларда кўплаб ободонлаштириш ва бунёдкорлик ишлари амалга оширилди. 2004 йилни «Меҳр ва мурувват йили» деб номланишида ҳам рамзий маъно бор. Бу маҳаллалар мавқеини

кўтариш, бу йўналишда бошлаб қўйилган саъй-ҳаракатларни мантиқий давом эттириш дегани ҳамдир.

Дунёда энг олий туйғу меҳр ва мурувват туйғусидир. Айни шу туйғу орқали қанчадан-қанча ўқсик қалблар кўнглига йўл топилади. Азалдан кам таъминланган оилалар, ногиронлар ҳолидан хабар олиб туриш савобли амаллардан ҳисобланган.

Tadbir иштирокчилари маҳаллаларда айниқса ёшлар ўртасида ўзаро меҳр-оқибат тушунчаларини тарғиб қилиш муҳим аҳамиятга эга эканлигини таъкидлашди. Шунингдек, юртимизда фаолият юритаётган тўрт мингдан зиёд жамоат ташкилотлари маҳаллалар билан ҳамкорликда тadbirлар ўтказмоқда.

**А. ГАФФОРОВ,**  
**«Туркистон-пресс»**

Республика Вазирлар Маҳкамаси ҳузуридаги Фан ва технологиялар марказида ўтказилган семинар доирасида НАТО Илмий қўмитасининг «Фан ёрдамида хавфсизлик» деб аталган янги дастури тақдироти бўлиб ўтди.

**«ФАН ЁРДАМИДА ХАВФСИЗЛИК»**

Улкан илмий-техникавий салоҳиятга эга мамлакатимиз бу соҳадаги халқаро ҳамкорликни ривожлантиришда фаол иштирок этмоқда, деди семинарнинг очилишида Фан ва технологиялар маркази директори ўринбосари, НАТО Илмий қўмитасининг Ўзбекистон томонидан аъзоси Али Охунов. Шимолий Атлантика иттифоқининг илмий ташкилотлари билан ҳамкорлик алоқаларини кенгайтириш муҳим аҳамиятга эга. Утган йили Ўзбекистон олимлари НАТОга аъзо давлатлардаги ҳамкасблари билан бирга энергетика, ахборот технологиялари, янги материалларни яратиш каби йўналишларда қатор тadbirларни амалга оширди. Бу мақсадлар учун Илмий қўмита умумий қиймати 500 минг АҚШ долларига яқин миқдорда грантлар ажратди. Республикада унинг шафелигида Марказий, Осиё минтақаси учун аҳамиятли бўлган сувдан фойдаланиш, чўлларнинг кенгайишига қарши кураш, энергиянинг нонанавий манбалари каби муаммолар юзасидан халқаро семинарлар ўтказилди. Янги дастурда иштирок этиш Ўзбекистон олимларининг халқаро илмий ҳамжамиятга янада интеграциялашувига хизмат қилади.

НАТО Илмий қўмитаси дастурлари директори Крис Виспьяер семинар қатнашчиларини «Фан ёрдамида хавфсизлик» дастурининг истиқболлари билан таништирди. Утган йилнинг июнь ойида Киевда бўлиб ўтган учрашувда НАТО кенгаши тинчлик йўлидаги тadbirларни қўллаб-қувватлашнинг янги концепциясини қабул қилган. «Фан ёрдамида хавфсизлик» номи дастурнинг мақсад ва вазифаларини аниқ ифодалайди. У «Фан тинчлик йўлида» деб аталган аввалги дастурнинг мантиқий давоми саналади. Энди иттифоқ ва лойиҳаларда қатнашаётган мамла-

катлар томонидан белгиланган фаннинг устувор йўналишлари билан боғлиқ қўшма тadbirларгагина грант шаклида ёрдам ажратилади. Биринчи навбатда, улар террорчиликка қарши кураш ва хавфсизликка бошқа тadbirлар, шу жумладан экологик тadbirларга қарши туриш билан алоқадор бўлиши керак. Бу йўналишда Орел денгизи ҳавзасидаги экологик вазиятни яхшилашга қаратилган лойиҳалар кенгайтирилади.

НАТО Илмий қўмитаси Марказий Осиё ва Кавказнинг мамлакатлари олимлари иштирокида амалга оширилаётган лойиҳалар учун грантлар сонини кўпайтиришга қарор қилди.

Шунингдек, дастур доирасида долзарб тadbirлар бўйича халқаро семинарлар ўтказиш, қўмита томонидан эълон қилинган лойиҳалар танловига келиб тушаётган тақлифларни баҳолаш учун экспертларнинг ташрифларини уюштириш кўзда тутилмоқда. Семинар қатнашчилари «Фан ёрдамида хавфсизлик» дастурида иштирок этиш учун бериладиган аризаларнинг янги шакллари билан таништирилди.

**А. ИВАНОВА,**  
**ЎЗА мухбири**

Ота-онам вафот этганларида 7 ёшда эдим. Ушанда уйимизнинг бир бурчига ўтириб олиб, юм-юм йиғлаганим, оғир жудоликдан сўнг ота-онамни соғиниб, ичкиб қолганим ва ўша пайтларда менга бир нарса, яъни қўшиқ ҳамроҳ бўлгани ҳамон эсимда. Ёш бошимизга тушган азобларни бир дақиқа бўлса ҳам унутиш мақсадида уйга беркиниб олиб, «Соғинсам ота-онам, излайин қаерлардан», «Онагинам», «Муножот» ва бошқа ашулаларни эшитиб, хумордан чиқар эдим.

Бу ашулаларни, ёш кизалоқ бўлганим сабаб, ким куйлаётганини билмас эдим ҳам.

Мана орадан анча йиллар ўтди. Мен ҳам она бўлдим. Фарзандларим билан ўтириб олиб, ўша ашулаларни эшитиб яна ором оламан. Талабалик

йилларимда мен ёқтирган хофиз Шерали Жўраев концертларига тушиб турардим. У куйлаган қўшиқлар қалбимга сингиб кетган...

Меҳнат таътилга чиққач, дугоналарим билан Андижонга бордик. Асакада «Чўнтак» деган жой борлигини ва фақат ўша ердагина девзира гуручдан ошни

дими, деди. Шаф оат эса — мен шоир бўлганимда ажойиб шеър ёзган бўлардим, деди.

Мен кизларнинг ҳаяжонларини босдим.

— Салгина кечикдинглар, бу жойларнинг таърифини аллақачон келтириб бўлишган, ҳамма ўзининг ишини қилса яхши бўлар эди, деб

**ҚЎШИҚ СЕҲРИ**

бошлаб пиширишларини эшитгач, шу манзилга қараб йўл олди. Йўлда кетаётиб ҳамкасбим Нигора ўз-ўзидан, бу оромбахш масканини кўриш бизга ҳам насиб қилди, деди. Бизга ҳамроҳ бўлиб келаётган Камолдин ака йўл-йўлақай Асакадаги барча ўзгаришлар ҳақида гапириб келди. Биз машинадан тушиб пастликни томоша қилардик, шу пайт яна Нигора, мен расмом бўлганимда, шу манзаранинг расмини чизган бўлар-

ҳазиллашдим. Хуллас, «Чўнтак»ни томоша қилиб улгурмасимиздан, бизни ошга қақаришди.

Дарҳақиқат докторлар ошқозонимда яра борлигини ва кучли таомлар истеъмол қилишни тақиқлаган эдилар. Кўп вақтлардан буён ош емай қўйган эдим. Лекин бу ширин ошни емай иложим йўқ, гуноҳ бўлади-я. Нигора, Шафоат, Камолдин ака ва мен бир лаган ошни пок-покиза туширдик. Орқасидан кўк чойни симирдик.

Бирданига атроф жим бўлиб қолди. Рўпарамизга келиб тўхтаган машина ёнида, севимли хофизимиз турарди. Қўллари кўксига, самимий табассум ила биз билан қадрдонлардек саломлашгач, у биздан сал наридаги сўрига бориб ўтирди.

У ён атрофни кузатар экан, Бобурни, Мухаммад Юсуфни ёд этаётгани кўзларидан кўриниб турарди. Бир пиёла чой ичгуларича ошни келтиришди. Улар бизни ҳам ошга тақлиф қилдилар. Биз ҳозиргина бир лаган ош еганимизни эшитгач, ўзлари паловга қўл узатдилар. Шу пайт 5-6 нафар тушлик қилгани келган дала меҳнаткашлари улар билан суратга тушмоқчи эканликларини айтишди. У бажонидил рози бўлди.

Биз эса ён дафтарчамизни олиб, ёнларига шомилдик...

**Гулчеҳра**  
**МАХСУТАЛИЕВА.**

ТИЖОРAT ХАБАРЛАРИ ВА ЭЪЛОНЛАР ТИЖОРAT ХАБАРЛАРИ ВА ЭЪЛОНЛАР



## ХИНДИСТОННИНГ ЎЗБЕКИСТОНДАГИ ЭЛЧИХОНАСИ ТОШКЕНТ ШАҲРИ



Хиндистон экспорт қилувчи ташкилотлар Федерацияси (ФИЭО)  
Ўзбекистон Республикаси Ташқи иқтисодий алоқалар агентлиги ва  
Ўзбекистон Республикаси товар ишлаб чиқарувчилар ва тадбиркорлар палатаси  
билан ҳамкорликда

### «СОТУВЧИ-ХАРИДОР» учрашувини ўтказилади.

Хиндистон экспорт қилувчи ташкилотлар Федерацияси Хиндистон савдо вазирлиги томонидан ташкил этилган бўлиб, савдони ривожлантириш бўйича етакчи ташкилот ҳисобланади. Хиндистоннинг 17 йirik компанияси иштирок этадиган бундай нуфузли анжуман Ўзбекистонда биринчи мартаба ўтказилади.

«Сотувчи-харидор» учрашувига Хиндистонлик тадиркорлар билан ҳамкорлик истагида бўлган барча давлат корхоналари, компаниялар, хусусий тадбиркорлар таклиф этилади.

Учрашув 2004 йил 20 январь куни соат 10.00 да «INTERCONTINENTAL» меҳмонхонасининг биллур залида ўтказилади. Манзил: Тошкент ш., Амир Темур к., 107 А.

*Хиндистон компаниялари қўйидаги маҳсулотлар ишлаб чиқариш ва хизматлар кўрсатиш соҳаларида фаолият кўрсатадилар:*

- Қўлда ишлатиладиган турли хил меҳнат анжомлари ва асбоб-ускуналар ишлаб чиқариши — боғдорчилик анжомлари, болгалар, қалитлар, қисқич ва автомобил учун жиҳозлар ва ҳ.к.;
- Электроника, рангли ва оқ-қора телевизорлар, радиолалар, узлуксиз таъминот жиҳозлари, шипга ўрнатиладиган ва стол устига қўйиладиган вентиляторлар;
- Тўқимачилик маҳсулотлари, пахта хом ашёси, свитерлар, пленка қопламали матолар;
- Қишлоқ хўжалик маҳсулотлари;
- Пластикдан ясалган буюмлар;
- Фармацевтика ва медицина жиҳозлари, кимё саноати маҳсулотлари, ветеринария дори-дармонлари, қишлоқ хўжалик учун кимёвий дорилар;
- Ёнилгини пуракш учун жиҳозлар, автомобил электрон тизимларини тестлаш учун асбоблар, автомобилб жиҳозлари, стартерлар ва ҳ.к.;
- Озиқ овқат саноати учун таъм берувчи қўшимчалар, эмульсия ва концентратлар;
- Автомобиль шиналари учун рақамли автоматик насослар;
- Касалхона, лаборатория жиҳозлари;
- Электр жиҳозлари ва машиналар;
- Компьютер, қаттиқ компонентлар ва дастурий таъминот;
- Таркибида алкоголь бўлган ва бўлмаган парфюмерия маҳсулотлари, тозаловчи ва ажинларга қарши кремлар, сочлар учун таркибида хина ва алоэ бўлган мойлар;
- Автомобиль йўллари, кўприклар, аэропортлар қуриш, шаҳарсозлик, туризмни ривожлантириш ва ҳ.к. бўйича маслаҳат хизматлари кўрсатиш;
- Экскаваторлар, тоғ ва қурилиш учун техника ва ускуналар;
- Барча турдаги спиралсимон, ҳалқали зичлаштирувчи, графитли саноат мосламалар ўрнатиш;
- Химоя кийимлари, химоя оёқ кийимлари;
- Банк иши, молия, таълим, соғлиқни сақлаш, суғурталаш, юк ташиш, спорт, туризм, темир йўллар, телекоммуникация ва бошқа тармоқлар учун ахборот технологиялари соҳасида қиммат бўлмаган ва юқори сифатли ечимлар ва маҳсулотлар етказиб бериш.

«Сотувчи-Харидор» учрашувига чоғида қўйилган маҳсулот намуналари сотилмайди.



## ҲУРМАТЛИ ИШБИЛАРМОН ВА ТАДБИРКОР ЖАНОБЛАР!

Давлат мулки қўмитаси Тошкент шаҳар бошқармаси ва  
«Тошкент шаҳар муниципал биржа маркази» Сизларни биржа  
савдоларига таклиф этади.

### БИРЖА САВДОЛАРИГА ҚЎЙИДАГИ ШАҲРИМИЗ БОЗОРЛАРИДАН ЖОЙЛАР ҚЎЙИЛГАН:

Биржа савдоларида:

Тошкент шаҳри, Ҳамза тумани, Паркент кўчаси, 74-уйда жойлашган, «Parkent ixtisoslashgan bozori» ОАЖ худудида янги қуриладиган турғун савдо дўконларини қуриш ҳуқуқи:

- майдони 9 квадрат метр (3x3) бўлган ноозиқ-овқат буюмлари дўкони қуриш ҳуқуқи, бошланғич баҳоси — 2000000 сўм;
- майдони 36 квадрат метр (6x6) бўлган қурилиш моллари дўкони қуриш ҳуқуқи, бошланғич баҳоси — 3 500000 сўм;
- майдони 1,5 квадрат метр (1x1,5) бўлган лак-бўёқ дўкони қуриш ҳуқуқи, бошланғич баҳоси — 2 000000 сўм;
- майдони 48 квадрат метр (6x8) бўлган ошхона қуриш ҳуқуқи, бошланғич баҳоси — 5 000000 сўм.

Тошкент шаҳри, Сергели тумани, Янги Сергели, 3-уйда жойлашган, «Avtomakon» СЯМ ШХЖ (авто эҳтиёт қисмлар бозори) худудида жойлашган, ҳар бирининг майдони 18 квадрат метр бўлган дўконлар, ҳар бир дўконнинг бошланғич баҳоси — 3000000 сўм.

Биржа савдолари ҳафтанинг ҳар иш кунида  
«Тошкент шаҳар муниципал биржа маркази»да бўлиб ўтади.

Мурожаат учун манзил: Тошкент шаҳри, Мовароуннаҳр кўчаси, 16а-уй.

Телефон: 132-25-51. Факс: 133-20-74.

www.tshmbm.uz; E-mail: Birja@mail.tps.uz ва info@tshmbm.uz

### «ТОШКЕНТ ОҚШОМИ»

Эълонлар шанба ва якшанбадан ташқари ҳар куни соат 9.00 дан 17.30 гача қабул қилинади.

Маълумотлар учун телефон: 133-28-95.

Факс: (3712) 133-29-09.

Манзилимиз: Матбуотчилар кўчаси, 32-уй, 2-қават, 204-хона.



132-26-44 132-26-45

FM 107.2  
Кунги учун мусиқа,  
мулоҳаза учун ахборот.  
Пойтахт ўз радиосини  
таълади «Пойтахт-Ин-  
форм».

**Футбол**

**КУРЪА ТАШЛАНДИ**

Аста-секин 2004 йилги футбол мавсуми ҳам яқинлашмоқда. Хусусан, Яхитойнинг Чунши шаҳрида келаси йилнинг энг йирик мусобақаларидан бири — Осиё чемпионатида куръа ташланди.

Чемпионатнинг дастлабки босқичи тўрт гуруҳга бўлинган 16 жамоа иштирокида ўтади. Куръа натижаларига кўра юртдошларимиз Ироқ, Саудия Арабистони ва Туркменистон терма жамоалари билан бирга «С» гуруҳидан ўрин олишди.

Осиё чемпионати баҳслари 17 июлда бошланиб 7 августга қадар давом этади. Мамлакатимиз терма жамоаси аъзолари гуруҳдаги дастлабки ўйинни 18 июлда Ироқ термаси билан ўтказадилар.

**МДХ ЧЕМПИОНЛАРИ КУБОГИ БОШЛАНДИ**

Москвада футбол бўйича Мустақил Давлатлар Ҳамдўстлиги чемпионлари Кубоги анъанавий халқаро турнири бошланди. Мусобақаларда ўтган йилги Кубок ярим финалчиси — республикамиз чемпиони «Пахтакор» жамоаси ҳам қатнашмоқда.

Бирлашган Араб Амирликларида ўн кунлик мавсумолди ўқув-машқ йиғинларида тайёргарликнинг дастлабки босқичини ўтаган пахтакорчилар чемпионлари Кубоги турнирида ЦСКА (Россия), «Гомель» (Белоруссия) ва «Регар-ТадАЗ» (Тожикистон) жамоалари билан бирга «А» гуруҳидан ўрин олишди.

Дастлабки беллашувда «Пахтакор» тожикистонлик футболчилар билан куч синашди. Эртага ҳамшарҳларимиз «Гомель» жамоасига қарши тўп сурадилар.

**ЙИЛ ЯКУНЛАРИ САРҲИСОБИ**

Маълумки, ҳар йили йил якунларига кўра энг яхши футболчилар, жамоалар, чемпионатлар номи аниқланади. Бу гал ҳам ўтган йилнинг энг кучли ўйинчи ва жамоалари аниқланди.

Хусусан, Халқаро футбол тарихи ва статистикаси федерацияси йилнинг энг яхши миллий чемпионатлари номини эълон қилди. Унга кўра Италиянинг «А» серияси жаҳон миқёсида ўтган йилги энг яхши чемпионат деб топилди. Испания ва Англия миллий чемпионатлари кейинги ўринларни эгаллашди.

Мамлакатимиз миллий чемпионати эса Осиё қитъасидан олдинга фақат Жанубий кореяликларни ўтказиб юборган ҳолда 43-ўринни эгаллади. Шунингдек, халқаро футбол федерацияси ФИФА ҳам ўтган йил натижаларига кўра терма жамоалар рейтингини эълон қилди. Ушбу рўйхат бошида Бразилия, Франция ва Испания термалари турган бўлса, юртдошларимиз 157 та терма орасида 82-ўринни банд этиб турибдилар.

**Даврон НУРМАТОВ**

Акмал Икромов тумани ҳокимлиги ва «Маҳалла» жамғармасининг туман бўлими узоқ йиллар мобайнида «Шарк юлдузи» маҳалласи фўқролар йиғинига раислик қилган

**Одила УМАРХОДЖАЕВНАНГ**

вафот этганлиги муносабати билан марҳуманинг оиласи ва яқин қариндошларига чуқур таъзия изҳор этади.

**ИНСОН РУҲИЯТИНИ ТЕТИКЛАШТИРАДИ**

Маълумки, спортнинг кўплаб турлари кишини жисмоний жиҳатдан соғлом ва бақувват қилишга ёрдам беради. Спортнинг яна бир тури борки, у нафақат жисмоний, балки маънавий соғломликни ҳам ўзида мужассамлаштира олади ва инсон руҳиятини тетиклаштиради. У-шу, Кунг-фу ана шундай спорт турларидандир. Айни пайтда ушбу спорт тури юртимизда ҳам аста-секин ривожланиб бормоқда.

У-шу бўйича ҳозирда бир нечта клублар очилган. Чилонзор туманидаги 162-мактабда фаолият олиб бораётган «У-шу шаолин» клуби айнан ушбу спорт турига ихтисослашган клублардан саналади. Яқинда у-шунинг таолу ва саншоу дастури бўйича ўтказилган Ўзбекистон 5-очик кубоги мусобақаларида клуб аъзолари муваффақиятли иштирок этиб, 2 та олтин, 1 та кумуш ва 5 та бронза медалини кўлга киритишди. Албатта, бу муваффақиятларнинг замирида машаққат, тинимсиз ҳаракат, ирода ва шу билан бир қаторда мураббий маҳорати ва меҳнати ётиси табиий. Бу ҳақда ушбу клуб му-

раббийи Муҳаммад Амин Аҳмадий шундай дейди: — Клубимизда 20 нафардан зиёд бола шуғулланади. Олти ёшдан юқори бўлганлар доимий машғулот ўтайдиган бу клубдан ташқари Зангиота туманида ҳам шундай яна битта клуб очганмиз. Ҳозирда жами 70 дан ортиқ шогирдларим бор. 8 ёшда спортга кириб келган Муҳаммад ўзининг бутун ҳаётини шу соҳага бағишлади. Тинимсиз меҳнати ва интилиши туфайли қаратэ бўйича қора белбоғ соҳиби бўлди. 1988 йилда у-шу спорт тури билан бир қаторда мураббий маҳорати ва меҳнати ётиси табиий. Бу ҳақда ушбу клуб му-

лаштирган 62 формадан иборат кунг-фу унинг ҳаётининг ажралмас бўлагига айланди. — Мен бир лаҳза бўлсинки, ушбу спорт тури билан шуғулланишдан тўхтамадим. Ҳаттоки, овқатланганимда ҳам, дам олиш вақтида ҳам, китоб ўқиётганимда ҳам кунг-фудаги ҳар битта ҳаракатни такрорладим. Гоҳида атрофимдагилар ҳаракатларимдан бошқача фикрга келардилар. Буни билсамда иродали бўлишга интилардим, — дейди қаҳрамонимиз. — Клубга асосан ўсмир ёшдаги болалар аъзо бўлиб, улар билан ишлаш сабр-тоқатни талаб этади. Ҳар бирининг орзуси кунг-фунинг сирларини му-

камал ўрганишидир. Яширмайман, гоҳида клубга ўз устида кам ишлайдиган, ҳаракатлари ўта суст болар ҳам қатнашди. Улар ҳатто 2-3 йилда ҳам бу спортнинг кўпчилик мураккаб шаклларини ўзлаштира олмайдилар. Аммо шундай тиришқоқ ўсмирлар ҳам борки, улар оз вақт мобайнида катта ютуқларга эриша олдилар. Булар орасида қизлар ҳам алоҳида аҳамиятга эга. Улар ҳам ўз интилувчанлиги билан кунг-фу сирларини мукамал ўрганишига ҳаракат қилмоқдалар. Албатта, янги 2004 йилда ниятларимиз катта. Янги йилда ўтказилиши режалаштирилган кунг-фу бўйича халқаро мусобақаларда голибликни кўлга киритиш ниятидамиз.

**Орузгул РУСТАМОВА СУРАТЛАРДА: «У-шу шаолин» клуби мураббийи Муҳаммад Амин Аҳмадий ва унинг шогирдлари машғулот жараёнида.**



**НИМА? КАЧОН? ҚАЕРДА?**

19-25 январда

Бугун — Республика Киночилар уюмда режиссёр Э.Мусоқовнинг «Осмондаги болалар» янги бадиий фильм премьераси соат 18.00 да намойиш этилади.

● Муқимий номидаги Ўзбек давлат мусиқий театрида С.Сирожидинов асари «Осмоннинг бағри кенг» спектакли соат 18.00 да бошланади.

● Алишер Навоий номидаги Санъат саройида «Дев билан пака-на» комедия фильми соат 11.00, 13.30, 16.00, 18.30 да намойиш этилади.

20 январда: ● Ўзбек Миллий академик драма театрида У.Азимнинг «Ф.Ғуллом асарлари асосидаги «Ўтган замон хангомалари» спектакли соат 18.00 да бошланади.

● Йўлдош Охунбоев номидаги республика ёш томошабинлар театрида А.Авлоний асари «Адвокатлик осонми?» спектакли 14.00 да намойиш қилинади.

21 январда: ● Гагарин номидаги кинотеатрда «Буюртма муҳаббат» бадиий фильми соат 12.00, 16.00 да, «Олашқашак» янги бадиий фильм премьераси эса соат 14.00 ва 18.00 да намойиш этилади.

● Аброр Ҳидоятлов номидаги Ўзбек Давлат драма театрида «Қайтар дунё» спектакли соат 15.00 да бошланади.

● Ўзбек Миллий академик драма театрида Э.Хушвақтов асари «Қирмизи олма» спектакли соат 18.00 да намойиш қилинади.

22 январда: ● Алишер Навоий номидаги Ўзбек Давлат академик Катта театрида М.Ашрафийнинг «Дилором» операси соат 18.00 да бошланади.

● Муқимий номидаги Ўзбек давлат мусиқий театрида Х.Хурсандов асари «Ўлдинг, азиз бўлдинг» спектакли соат 18.00 да намойиш этилади.

23 январда: ● Йўлдош Охунбоев номидаги республика ёш томошабинлар театрида «Олтин жўжа» спектакли соат 10.00 да бошланади.

● Аброр Ҳидоятлов номидаги Ўзбек Давлат драма театрида «Ўрик гуллаганда» спектакли соат 12.00 да намойиш қилинади.

24 январда: ● Тошкент Давлат мусиқали комедия (оперетта) театрида «Цирк маликаси» спектакли соат 17.00 да бошланади.

● Муқимий номидаги Ўзбек давлат мусиқий театрида Н.Ҳошимов асари «Доғаданман» спектакли соат 18.00 да намойиш этилади.

25 январда: ● Ўзбек Миллий академик драма театрида Э.Хушвақтов асари «Қирмизи олма» спектакли соат 18.00 да бошланади.

**Мутахассис оғоҳлангиларида**

**КЕМИРУВЧИЛАР БЕЗОВТА ҚИЛСА**

Ҳозирги вақтда кемирувчилар қишлоқ хўжалиги, озиқ-овқат корхоналари ва ҳатто одамларга зарар етказётганлиги ҳақида кўплаб хабарлар келмоқда.

Турмушимизда учрайдиган каламуш ва сичқонларнинг озиқ тишлари яхши ривожланган бўлиб, улар ўз йўлида учраган жамики нарсаларни кемириб ташлайдилар. Шунинг учун уларни биз мутахассислар «Кемирувчилар» деб атаймиз. Кемирувчилар қисқа муддатда, яъни 21-22 кунда болалайди, 3 ойда урчиди ва кўпаяди. Кемирувчилар асосан суй йўлларида, ариқ, зовурлар киргоқларида кўпайиб юрганлигининг гувоҳи бўламиз. Шунингдек кўп қаватли уйлар ертўлаларида, молхоналарида, озиқ-овқат сақлаш омиборхоналарида яшаб, кўплаб кўпаймоқда.

Караб ҳаракат қила бошлайдилар, уларнинг тирноқлари қаттиқ бўлганлиги туфайли, ҳатто кўп қаватли уйлар томларига ҳам чиққанлигининг гувоҳи бўламиз. Демас, шундай экан озиқ-овқат қолдиқлари сабзавот маҳсулотлари пўчоқларини тўғри келган жойларга тўкмай, балки махсус ахлат йиғилган майдончалардаги чиқинди қутиларига бўшатинг, агар хоналарга кемирувчилар кириши гумон қилинган тешик ва ёриқлар бўлса, уларни бетонлаб ташланг. Хоналарда кемирувчилар пайдо бўлса, қопқонлар ёрдамида йўқ қилишга ҳаракат қилинг.

Кемирувчиларнинг кўпайишига баъзан ўзимиз ҳам шароит яратиб берамиз. Қолдиқ озиқ-овқатлар, сабзавот қолдиқларини ёш болаларга ишониб (ахлат ташлашни) топширганда, улар ариқ бўйларига, кўп қаватли уйларнинг атрофларига, дуч келган ерларга ағдариб кетишади. Натижаяда у ердаги озиқ-овқат ва сабзавот қолдиқлари билан кемирувчилар озиқланиб, бемалол ҳаёт кечирадилар.

Кунлар совиб, қор тушиб, ушбу озиқ-овқат, сабзавот қолдиқлари қор тагида қолади, натижада кемирувчилар овқат қидириб, хонадонларга, кўп қаватли уйларга

Мехри НУРМУҲАМЕДОВА, Тошкент шаҳар дезинфекция станцияси профилактика бўлими бошлиғи.

**Бош муҳаррир Акмал АКРОМОВ**  
Манзилмиз: 700000, Тошкент шаҳри, Матбуотчилар кўчаси, 32

**ТЕЛЕФОНЛАР:**  
хатлар — 133-29-70;  
эълонлар: 133-28-95, 132-11-39;  
факс: (3712) 133-21-56.  
Ҳажми — 2 босма табоқ офсет усулида босилди.  
5576 нусхада босилди. Қўғоз бېғини А-3

**Газета Тошкент шаҳар Матбуот ва ахборот бошқармасида 1-рақам билан рўйхатга олинган.**  
Душанба, сешанба, чоршанба, пайшанба ва жума кунлари чиқади.  
Нашр кўрсаткичи — 563

Нашрни етказиб бериш масаллари бўйича тузар жойлардан почта бўлимларига эса «Тошкент почта» — 133-74-05 телефонга мурожаат қилишнинг мумкин.  
Газета «Тошкент оқшоми»нинг компьютер марказида терилди ва саҳифаланди.  
«Шарқ» нашриёт-маъбада акцидорлик компанияси босмохонаси. Корхона манзили: «Буюк Турон» кўчаси, 41-уй.